

TE HEHEURAA API

»»»»»
MATI 1939

TE MAU API NO TE RAAU ORA TE API MATAMUA

(O te matamua teie o te mau apî e hoê ahuru ma piti i iritihia no te raaou ora i horoahia i to te ao nei ei tauturu ia faaora ratou ia ratou iho no te raveraa hape e te haapiiraa haavare. A tai'o maite i teie nei mau parau a neihia'i te reira i roto i te Heheuraa Apî i tera ava'e e i tera ava'e. E riro taua mau papairaa nei ei raaou monamona e te maru no te mau ma'i o te aau. E faatupu te reira i te hinaaro i te haapii mai e i te ite i te parau mau. E faaora atoa te reira i tei matapo i ta te varua e e faaineine ia ratou ia farii i tera mana ora o te faaapî i te mau mea atoa, e o te faaî i to te ao nei i te maramarama e te ora tiretiera.)

A haamana'o maite i taua mau parau ra e a faaau i te reira i te mau parau a te mau peropheta e te mau aposetolo tei papaihia i roto i te Bibilia.)

HORE e hoê mea o tei hau roa'tu i te faufaa i te parau mau. Aita râ ia e tia ia hoo mai i te parau païeti mau. Ia noaa mai ia tatou te ite no te parau païeti mau, e mea tia roa ia ia haapao e ia rave noa tatou paatoa—te taata apî e te taata paari—i tei maitai e tei tia, e ia hopoi noa atu i te tusia. E teie te auraa o te parau païeti mau, o te mau ite atoa ia o te faaite mai i te huru mau o te Atua, e to tatou haapaoraa Ia'na, e Ta'na ra mau ture e te mau opuaraa, e te ravea hoi e tae ai tatou Ia'na e e faateiteihia'i tatou i mua i To'na ra aro.

Ua rau te huru o te mau haapaoraa ekalesia i roto i teie nei ao. Te vai ra râ e hoê noa iho ekalesia tia mau, no te mea e, te vai ra e hoê noa iho Atua no to te ao nei. Ahiri e rave rahi te mau Atua mau e vai nei, ua tia ia ia vai atoa te mau ekalesia e rave rahi. No ô mai i te Atua te païeti mau na roto i te heheuraa. Tei te taata te mana no te hamaniraa i te mau fare pureraa, no te papairaa i te mau parau e haapii ra, e no te faatiaraa i te reira mau mea ra, area râ, eita taua mau huru raveraa ana'e ra e faaora i to te ao nei.

E mea tia ia titauchia te Atua e ia haapaohia hoi te mau ture e te mau ravea Ta'na i faatia, e ia ore râ, eita te mau pureraa e te mau haamoriraa e fariihia e te Atua ra.

O te faaroo, o te parau matamua ia o te paieti mau. O te haamataraa ia o te parau-tia ra. O te tumu hoi ia o te raau ora. *Aore e faaroo ra e ore roa te Atua e mauruuru. E O te haamori i te Atua ra, e faaroo oia e, e Atua, e tia'i.* Teie te hoê auraa o te parau faaroo, o te tiaturi ia i te mau mea e ticahia nei, e te ite i te mau mea aore e hi'ohia nei. Te vai ra râ te tahi auraa teitei no te faaroo ra. O te mana ia te faatupu i te hinaaro mau no te raveraa i ta tatou mau ohipa atoa. E teie hoi. Ua riro te faaroo ei mana no te faateiteiraa ia tatou i te haapaoraa i te mau ture a te Atua, e ia na reira tatou, e tupu ia i roto ia tatou te hinaaro i te rave i te ohipa maitai ana'e, e e noaa mau ia ia tatou te varua o te Atua.

I to te faaroo îraa, o te mana hope ia. Na roto i teie huru faaroo, ua hamani te Atua i te mau ao, e *ua parau ihora te*

(a hi'o i te tuatira i te apî 45)

EDITORIALE

“**A**ORE te Fatu i faaroaroa i ta'na i parau maira, mai ta te tahi pae i parau ra e, e faaroaroa; e faaoromai rahi râ to'na ia tatou, aita roa i hinaaro e ia pohe atu te hoê, ia noaa paatoa râ te tatarahapa.

“E tae mai râ te mahana o te Fatu mai te eiâ i te rui ra; e pee atu ai teie nei ra'i ma te haruru rahi, e mou hoi te mau mea rii tumu i te veavea rahi, e te fenua hoi e te mau ohipa i nia iho, e pau ia i te auahi.

“E teie nei, e mou ana'e taua mau mea atoa nei, mai te aha to outou huru e tia'i i te haapao maitai e te paieti:

“I te tiairaa e te ruraa'tu ia tae mai taua mahana o te Atua ra, te mahana e mou ai te ra'i i te tutuihia i te auahi, e e tarapape te mau mea rii tumu i te veavea rahi?

“Te tatari nei râ tatou i te ra'i apî e te fenua apî ta'na i parau maira, i te vai-mau-raa o te parau-tia ra.

“E teie nei, e au mau here e, o te reira mau mea ta outou e tia'i na, e faaitoito, e haapapu hua ia roohia mai outou e ana ma te hau, ma te porao ore e te hapa ore.”

II PETERO 3:9-14.

1. E
2. U
3. U
4. E
5. E
6. E
7. E
8. U
9. E
10. E

Ua m
i nia ne
mau uir
Epere

Epere

Epere

Epere

Epere

Te
o te p

TE PARAU AUTAHU'ARAA

No te Ava'e MATI

TE MAU TAATA TUIROO O TE
FAUFAA TAHITOA FAATANO I TEIE MAU UIRAA I NIA I TE
MAU TAATA'TOA E HAAPIIHIA

1. E peropheta anei oia ?
2. Ua tohu mai anei oia i te tahi mau tohuraa ?
3. Ua tupu anei ta'na mau tohuraa ?
4. Eaha te huru o to'na maitiraahia ?
5. Eaha te mau ohipa i faataahia na'na ?
6. E mea tia anei to'na raveraa i ta'na ohipa, e a ore râ, aita anei ?
7. Eaha te tumu i na reira'i oia ?
8. Ua mauruuru anei te Atua ia'na ? No te aha ?
9. Eaha te rê i roaa ia'na ?
10. Eaha te faufaa rahi no to'na ora ?

Ua maitihia teie mau irava i raro nei ia roaa te pahonuraa i te mau uiraa i nia nei. No reira a tai'o maitai outou i te reira ia tia outou ia pahono i te mau uiraa. Ia ui faaoti roa hoi te orometua i te mau uiraa i papaihia.

Eperera 2. GIDEONA. Te Mau Tavana 6:7,8; Salamo 83; 11; Isaia 9:4; 10:26; Hebera 11:32.

Eperera 9. SAMASONA. Te Mau Tavana 13:24, 25; 14; 15; 16:1-30.

Eperera 16. SAMUELA. I Samuela 1:25-28; 2:11, 18; 3; 7; 2-16; 12; 13:8-15; 15; 16:1-13.

Eperera 23. SAULA. (te arii matamua o Iseraela) I Samuela 9:1-10, 27; 11; 13:9; 14:24-45; 22:6-9; 28:5-25; 31.

Eperera 30. Hi'opoaraa.

Na Te Mau Maapii

Mahaere na te Mau Utuafare

PARAU EVANELIA NA TE MAU UTUAFARE

Te Autahu'araa, mai te au i to matou ite i taua parau ra, o te parau ia no te mana o te Atua; te ravea no ta'na mau pa-

rau faaite, e te mana i tia'i ia monohia oia mai te au i te ture. (Oretona F. Whitney, Aposetolo)

Te Autahu'araa a Aarona o te autahu'araa faaineine ia; e tufaa hoi no te Autahu'araa a Melehizedeka, e ta'na ohipa tia, o te faatiaraa ia i te niu no te ohipa o te autahu'araa rahi i roto i te oraraa o to'na mau melo. Na roto i te haapiiraa tia e te apitiraa itoitō i roto i te mau ohipa i faataahia na ratou e faatiahia'i taua niu ra.

Ua faaitēhia te huru o te Autahu'araa a Aarona na roto i te mau parau a Ioane Bapetizo, a tuu ai oia i te reira i nia iho ia Iosepha Semita raua o Olive Taudere, i te taimē o to'na faaho'iraahia mai i teie anotau, oia hoi, te 15 no Me, matahiti 1829:

I nia iho ia orua, e to'u na taeae tavini, i te i'oa o te Mesia, te tuu atu nei au i te Autahu'araa a Aarona, tei mau i te mau taviri no te raveraverau o te mau melahi, e no te evanelia o te tatarahapa, e no te bapetizoraa i raro i te pape ia matara te hara: e eita roa te reira e rave-faahou-hia, mai nia'tu i te ao nei, e tae noa'tu i te taimē e pupu faahou ai te mau tamarii tamaroa a Levi i te tusia parau tia i te Atua ra. B. F. p. 13.

Te tuu nei te fariiraa o teie nei Autahu'araa i te tahi mau haapaoraa i nia iho i to'na mau melo; te haapaoraa i te mau ture a te Atua, te haapaoraa i te mau a'oraa a te mau taata faatere o te Ekalesia, ia haamana'o i te faaroo, te viivii ore, te ite, te hitahita ore, te faaoromai, te aroha taeae, te huru Atuaraa, te aroha, te haehaa e te itoitō. (B. F. p. 4)

O teie ia te mau mea i titauhia no te Autahu'araa a Aarona no teie matahiti:

1. Ia apiti itoitō ratou i te tahi ohipa e au no ratou ma te faaue ore noa-hia, ia riro ratou ei mau taata faatere e te faaturahia i to ratou paari raa e ia tia ia faatoroahia ratou i roto i te Autahu'araa a Melehizedeka.

2. Ia faatupuhia to ratou hinaaro ia ora i te ora e au i te Feia Mo'a i te Anotau Hopea Nei, oia hoi, ia haapae ratou i te mau mea taero e te mau ohipa viivii, ia haamonohia te hinaaro i te ori-haere i te po i te hinaaro i te tai'o i te parau.

3. Ia haapii te mau metua e te mau taata faatere o te Ekalesia i te oraraa m̄a ia ratou, oia hoi, te mana'o m̄a, te parau m̄a e te tino m̄a.

Tei ia
mai ia'u
here hoi

TE I
hine E
ao atu
raua h

PARA
nei, a h
i te pae

Tom
1. U
maitai

2. T
3. T

Ioane
4. I
(Alam

Iako
e piti

Iako
Tad
Sim

Iuda

1. T
2. M
3. F

Rav
tataita

TE SOTAIETE VAHINE TAUTURU

No te Ava'e EPERERA

Irava tamau aa: Ioane 14:21

Tei ia'na ta'u ra parau e ua haapao oia i taua parau ra, oia tei hinaaro mai ia'u; e tei hinaaro mai ia'u ra, e herehia mai oia e tau Metua ra; e e here hoi au ia'na, e e faaite atu hoi au ia'na ia'u iho.

Mahana Maha (Matamua)

TE MAU OHIPA: Te iritiraa mana'o e te faataaraa i na Tuahine Hahaere e ta raua parau tei papaihia i te apĭ 38, ma te ao atu ia raua e, ia faaineine-maite-hia taua parau ra hou ta raua hahaereraa e tia'i.

Mahana Maha (Piti)

PARAU FAAITE NA TE OROMETUA: A faaineine ai oe i teie mau haapiiraa nei, a haapao maitai i tei papaihia i te Heheuraa Apĭ no te ava'e Febuare i te pae i raro o te apĭ 28.

Toma, Te Taaata Feaa Parau-Tia.

1. Ua tui to'na roo no to'na feaa, te vai atoa ra to'na mau maitai i maitihia'i oia ei aposetolo na te Mesia,

2. To'na here e to'na mātā'u ore. Ioane 11:8-12.

3. Te tumu rahi i parauhia'i oia e, *Toma te taata feaa.* Ioane 20:25.

4. E mea ino a'e anei te feaa noa i te faaroo ohie noa? (Alama 32:21) Nahea oe ia faatiahia mai te parau faaino?

Mahana Maha (Toru)

Iakobo, Tadaio e Simona. E mea taa ore te tahi i te tahi: e piti Iakobo, e piti Tadaio e e piti Simona.

Iakobo *Parau-tia*. Ohipa 12:2, 17; 15:7-21.

Tadaio. Mataio 10:3; Luka 6:16; Ioane 14:18-23.

Simona. Mataio 10:4; Mareko 3:18; Ohipa 1:13.

Mahana Maha (Maha)

Iuda Isakariota, te Taata Haavare.

1. Ta'na Metua tane. Ioane 6:71; 13:29.

2. Na'na i haapao i te pute moni. Ioane 12:6; 13:2.

3. E taata aa piti. Ioane 12:3-5; Mataio 26:48.

Mahana Maha (Pae)

Raveraa Ohipa: Ia ite te mau vahine atoa, tei ia ratou, tataitahi, te manniaraa o te mau ohipa.

NA NA TUAHINE HAHAEERE

○ NA Tuahine Hahaere ia te e'a tuati i ropu i te mau utuafare e te Sotaiete Vahine Tauturu. Ta raua ohipa, e mea faufaa faito ore ia i te Sotaiete e te mau vahine o te Ekalesia atoa. Te tamau-noa e te hamani-maitai a teie nei pūpū, ua au ia i te arueraa.

Ua mana'ohia râ e, e rave rahi te mau vahine e vai nei o tei manihinihia e taua pūpū nei; aita râ ratou i ite i te mau haapiiraa faufaa rahi e te faatupuraa ite ta te Sotaiete Vahine Tauturu e faatere noa nei. Aita'toa ratou i ite i te mau ravea maitai i reira no te faatupuraa i te maitai e te oaoa na roto i te apitiraa i te mau ohipa a te Sotaiete Vahine Tauturu.

Te hopoiraa i taua ite ra i roto i te mau utuafare, e te raveraa, ma to ratou puai, i te ravea e haaputahia'i te mau aau e te mau mana'o o te mau tuahine o te amaa ia haere mai ratou i te mau haapiiraa, o te hoê ia toroa o Na Tuahine Hahaere.

Ua titauchia ia faarahihia te meloraa, ia rahi te vahine i te apitiraa i roto i te mau haamaitairaa o te mau ohipa e te mau haapiiraa a te Sotaiete Vahine Tauturu. E no reira ia haapao maite-hia te haamatauraahia te mau vahine i te huru o te mau opuaraa, te mau ohipa e te mau haapiiraa, e tia'i.

Ua au te rahiraa o teie mau haapiiraa i te mau huru haapaoraa atoa, no reira ua tia ia ia anihia te mau vahine atoa noa'tu i ta ratou mau haapaoraa. Ia na reira raua, e mai te mea e tae mai ratou, ua haamaitai ia raua i to raua taata tupu i reira.

Te mau parau evanelia i faataahia no te afairaa i roto i te mau utuafare i teie mau ava'e i mua nei no nia ia i *Ta Iesu Mau Haapiiraa e To Ratou Faahuru-ê-raa i To Te Taata nei Huru*. E to ratou tumu o te tautururaa ia i te mau vahine i te hamani-maitai-raa i to ratou iho mau huru, na roto i te ite-papu-raa i ta te Fatu mau haapiiraa e na roto hoi i te haapaoraa i te reira i te mau mahana atoa.

Mai te mea râ e, ua hinaaro te hoê taata i te oaoa e te manuia i ta'na mau ohipa no te pae varua, e a ore ra no te pae tino noa'tu, e mea tia roa ia ia roaa ia'na te huru puai e te aueue ore i te patoiraa'tu i te mau faahemaraa. E rave rahi te mau vahine o tei tae i te ite e, e mea mauruuru ore to ratou huru oraraa. Ua i to ratou aau i te mau mātā'u, te ri-

(a hi'o i te tuatiraa i te apī 44)

Te
roto i
i te E

Mai
tavini
nei, e
taata
taata
rauhia

Te
Mose
mua a
Isaaka

Na
rave r
ratou
mai Ie
rau at
râ, na

Ua
ra (M
mau r
Evane
nei, e
petizo
maiti,

Ua
na rot
e pure
oti a'e

NO TE AVA'E EPERERA.

Te faaroo nei matou e, ei taata maiti-mau-hia e te Atua, na roto i te tohu, te tuuraa o te rima o te feia toro'a e tia'i, ia a'o i te Evanelia e ia faatere i te ohipa no to'na ra toroa.

→→→→←←←←

TE MANA I MUTAA IHORA.

Mai te matamua mai â ua maiti-mau-hia ta te Atua mau tavini orometua no te faatereraa o ta'na ohipa i nia i te ao nei, e ia na reira-noa-hia e tia'i, no te mea, aita e tia i te hoê taata mana ore ia faatere i te ohipa a te Fatu. *E aore roa e taata e rave noa i teie nei tura no'na iho, maori râ o tei parauhia e te Atua, mai ia Aaronara.* (Hebera 5:4)

Te faaite mai nei te Exodo 6:13 e, ua parau mai Iehova ia Mose raua o Aaron ia aratai i te tamarii a Iseraela. E na mua a'e i to raua maitiraahia ua maiti te Atua ia Aberahama, Isaaka e Iakoba hoi.

Na roto i te mana o te Atua, oia hoi, te Autahu'araa, ua rave noa te mau tavini a te Atua i ta'na ohipa mo'a; aita râ ratou i rave 'noa i te reira mana no ratou iho. Ua tonohia mai Iesu na roto i te hinaaro e te maitiraa o te Atua. *Ua parau atura Iesu ia ratou, E ere i ta'u ta'u e haapii nei, na'na râ, na tei tonono mai ia'u nei.* (Ioane 7:16)

Ua maiti atoa Iesu i te mau melo o te tino ahuru ma piti ra (Mareko 6:7), e na muri a'e i te reira ua maiti oia i te mau melo no te pūpū hitu ahuru no te poro-haere-raa o te Evanelia. Ua parau atura Iesu i te mau aposetolo e, *E teie nei, e haere outou e faariro i te mau fenua atoa ei pipi, a baptizo atu ai ia ratou i roto i te i'oa o te Metua, e no te Tamaiti, e no te Varua Maitai.* (Mataio 28:19)

Ua maiti-mau-hia Paulo raua o Baranaba i ta raua ohipa na roto i te tuuraa o te rima. *Ua haapae ihora ratou i te mau e pure atura, ua tuu a'era i to ratou rima i nia iho ia raua e oti a'era, tono atura ratou ia raua.* (Ohipa 13:3)

Te Mau Uiraa: 1. E mea tia anei i te taata maiti-ore-hia ia faatere i te ohipa a te Atua? 2. E mea tia anei i te taata maiti-ore-hia ia poro haere i te Evanelia? 3. Eaha te Autahu'araa? 4. Na vai Mose raua o Aaron a i maiti? 5. Na vai Iesu i maiti? 6. Eaha ta Iesu parau i te mau aposetolo? 7. Ua maitihia Paulo raua o Baranaba na roto i te aha? 8. Tei ia vai te mana ia faatoroa i te taata no te raveraa i te ohipa a te Fatu?

Haapiiraa Piti No Nia I

TO TE EKALESIA MANA I TEIE TAU

Te faaroo nei to te Ekalesia a Iesu Mesia i te Feia Mo'a i te Mau Mahana Hopea Nei e, ua rave-ê-hia te mana o te Atua mai roto mai i te rima o to te ao nei e ua mo'e roa taua mana ra i te ao nei, mai te au i tei tohuhia mai e te mau peropheta tahito.

"Inaha, te na-ô maira te Fatu ra o Iehova, te fatata maira te tau e hopoi atu ai au i te o'e i nia i te fenua, e ere râ i te o'e maa ore, e te hiaai i te pape, i te faaroo râ i te parau a Iehova; e horo hoi te taata i te tahi miti e te tahi miti; e mai te apatoerau e tae roa'tu i te hitia o te râ i te hororaa e te ho'iraa mai, i te imiraa i

Aita â te Fatu ra â Iehova e peu i rave, maori râ ia faaite i ta'na parau i moe i ta'na ra mau tavini i te mau peropheta.

AMOS 3:7.

te parau a Iehova, e ore roa râ e itea. (Amosa 8:11,12; Mika 3:6-12; Isaia 29:9-14; 2 Tesalonia 2:1-11.)

Te faaroo nei to te Ekalesia e, ua faaho'ihia mai taua mana o te Atua ra i teie iho anotau, mai te au hoi i tei tohuhia mai e te mau peropheta. O Ioane te hoê peropheta tei tohu mai i te parau no te faaho'iraahia mai o te Evanelia e te hoê melahi. (Apokalupo 14:6-7) Ua faaite mai hoi Ieremia i te parau faaite no to te Atua faaauraa i te tahi faufaa api i te utuafare o Iseraela. (Ieremia 31:31-33)

E riro ia tae i te mau mahana hopea ra, e faatiahia'i te mou'a ra o te fare o Iehova i nia i te tupuai mou'a, e faatei-teihia ia i nia i te mau aivi; e tairuru atoa mai te mau etene i reira. (Mika 4:1-2)

I te matahiti 18:29 ua faaho'ihia mai taua mana i moe ra i te ao nei. Ua farii Iosepha Semita raua o Olive Taudere i taua mana no te Atua ra na roto i te tuuraa o te rima o te tahi na ve'a no te ra'i mai. E na roto i taua mana ra te Ekalesia a Iesu Mesia i te Feia Mo'a i te Mau Mahana Hopea Nei i faatiahia'i.

Te M
ha ia te
4. E tia
ha ta Io
te faufa
hea ?
Mahana

Eita
e ua fa
te Fat
ra oia
Aita h
teie ne

Kor
te utu
rave n
tou m

Saul
araa n
David
E me
Atua n

Te f
orome
tahi m
te taat
ihora
Ua rav
Fatu,
mau ta
ua tita
te hoê
ino, U
na ? U
nia ia
Aita e

Te Mau Uiraa: 1. Eaha ta Mose parau no nia i te heheuraa? 2. Eaha ia te huru o te o'e ta Amosa itohu mai? 3. Eaha tei moe i te ao nei? 4. E tia anei ia faatere te taata i ta te Atua ohipa ma te mana ore? 5. Eaha ta Ioane parau no nia i te faaho'iraahia mai o te Evanelia? 6. Eaha te faufaa api i tohubia mai e Ieremia? 7. E faatiahia te fare o Iehova i hea? 8. Ua faatiahia te Ekalesia a Iesu Mesia i te Feia Mo'a i te Mau Mahana Hopea Nei e teihea mana?

Haapiiraa Toru No Nia I TE OROMETUA HAAVARE

Eita te ohipa a te orometua haavare e fariihia e te Atua, e ua faufaa ore te mau ohipa atoa e ravehia e ana i te i'oa o te Fatu. I to te Atua raveraa i te taata nei, te faatura noa ra oia i ta'na Autahu'araa e te mau taata tei mau i te reira. Aita hoi oia i mauruuru i te taata tei tamata i te *rave noa i teie nei tura no'na iho*. (Hebera 5:4)

Kora: I te tau no Mose ua faautu'a te Atua ia Kora ma i te utu'a pohe no to ratou orure hau. Ua hinaaro ratou i te rave noa i te mau toroa no te Autahu'araa ia fariihia to ratou mana, aita ra i tia ia ratou, pohe atura. (Numera 16)

Saula: No to'na rave-noa-raa i te hoê ohipa a te Autahu'araa ma te mana ore, ua farii oia i te utu'a e ua maitihia o Davida ei mono na'na. *Ua parau maira Samuela ia Saula, E mea tia ore ta oe i rave; aita oe i haapao i te parau a to Atua ra a Iehova, ta'na i parau mai ia oe ra.* (1 Samuela 13:13)

Te faaite mai nei te buka Ohipa e, eita te bapetizoraa o te orometua haavare e fariihia. Ua bapetizo faahou Paulo i te tahi mau pipi i Ephesia no te mea e, ua bapetizohia ratou e te taata mana ore. *E ia faaroo ratou i te reira, bapetizohia i hora ratou i roto i te i'oa o te Fatu ra o Iesu.* (Ohipa 19:5) Ua rave noa Paulo i te mau ohipa maere i roto i te i'oa o te Fatu, no te mea e mana to'na. Ua tamata ra te tahi atu a mau taata i te rave i taua ohipa ra i te i'oa o te Fatu, oia hoi, ua titau ratou i te tiavaru i te hoê demoni i rapae i te tino o te hoê taata, aita ra i tia ia ratou. *Ua na ô maira ra te varua ino, Ua ite au ia Iesu, ua ite hoi au ia Paulo, o vai ra outou na? Ua ou'a maira taua taata tei roto ia'na te varua ino ra i nia ia ratou e noa i hora ratou, pohe i hora.* (Ohipa 19:15-16) Aita e tia i te taata mana ore ia rave i te ohipa a te Fatu.

E ore te feia e parau mai ia'u ra e, E te Fatu, e te Fatu, e hope paatoa i te tae i te basileia ra o te ao, o te taata râ i haapao i te hinaaro o ta'u Metua i te ao ra. (Mataio 7:21)

Te Mau Uiraa: 1. E fariihia anei te ohipa a te orometua haavare? 2. Eaha ta Kora mâ ohipa au ore? 3. Eaha ta ratou utu'a? 4. Ua aha o Saula? 5. Eaha ta Samuela parau ia'na? 6. Eaha to'na utu'a? 7. No te aha te varua ino i ore i faaroo ai i te parau a te mau taata mana ore? 8. No te aha Paulo i baptizo faahou ai i te tahi mau pîpî no Ephesia? 9. O vai te tae i te basileia o te ao?

Haapiiraa Maha No Nia I Te

TE OROMETUA MAU

Nahea te taata e ite ai i te orometua mau a te Fatu?

Ia tae mai te hoê orometua i rotopu ia tatou, ia hi'opoa maitai tatou ia'na e te huru o to'na haapaoraa e tia'i. No te aha? No te mea ua rahi roa te mau haapaoraa i nia i te ao i teie tau, e te haapii mai nei ratou atoa e, tei ia ratou te pa-

Hoê hoi Fatu, hoê faaroo, hoê baptizo.

EPHESIA 4:5.

Hoê â hoi o Iesu Mesia huru, i nanahi, i teie nei mahana, e a muri noa'tu.

HEBERA 13:8.

rau-tia. Ua faaara mai o Petero i te taata'toa ma te parau e, *E propheta haavare hoi to roto i te taata ati Iuda i mutua iho, e e riro atoa i te orometua haavare to roto ia outou.* (2 Petero 2:1; Mataio 7:15-19) Na roto i teie mau ravea

râ e ite ai tatou i te orometua mau a te Fatu.

1. **Ta'na Ohipa:** *E ite hoi outou ia ratou i ta tatou i faahotu mai.* (Mataio 7:20) Eita ihoa te suke e tupu no nia i te motuu. *O tei rave i te hara ra, aore i tapea tamau i te parau a te Mesia ra, aore ia'na te Atua. O tei tapea tamau râ i te parau a te Mesia ra, tei ia'na te Metua e te Tamaiti atoa hoi.* (2 Ioane 1:9)

2. **Ta'na Parau A'o:** E haapii ihoa te orometua mau i te mau parau Evanelia mai ta Iesu i haapii mai, oia hoi, te parau no te faaroo, te tatarahaparaa, te baptizoraa, e te tuuraa o te rima no te horoaraa'tu i te Varua Maitai.

3. **To te Atua Huru:** Aita i tauihia te huru o te Atua e ta'na mau faaueraa. (Hebera 13:8) E haapii ihoa te orometua i te reira.

4. **To'na Mana:** Ia maiti-mau-hia oia e tia'i. (Hebera 5:4)

5. Tarahu-ore-hia: Eita te orometua mau e farii i te taime no ta'na ohipa. *A faaamu i te nana a te Atua i roto ia outou na, e rave i te toroa episekopo, eiaha ra to te faaueue, no te hinaaro râ; eiaha no te tao'a tia orera ia noaa, no te tae mau râ o te aau.* (I Petero 5:2)

Te Mau Uiraa: 1. No te aha ia hi'opoa tatou i te mau orometua e tia'i? 2. E tau'i anei te Atua i to'na huru? 3. Afea te Atua e faahuru ê ai i ta'na mau faaueraa? 4. Eaha ia to Iesu huru ananahi? 5. Eaha ta te orometua mau parau a'o? 6. E mana anei te orometua mau? 7. Eaha ta te orometua taime no ta'na ohipa? 8. E itehia te orometua e te hotu o ta'na aha?

HAAPIIRAA SABATI

No te Ava'e EPERERA

PUPU PARAIMERE

Irava tamau aau: *Genese 50: 19, 20*

Ua parau maira Iosepha ia ratou, Eiaha e mātā'u; tei ia'u anei ta te Atua: o ta outou i opua ei ino no'u ra, o ta te Atua i opua ei maitai.

Haapiiraa

Eperera 2. Mai te fare tapearaa e tae noa'tu i te fare arii. *Genese 41:8-48.*

Eperera 9. Ua tupu ta'na moemoea. *Genese 41:46 e tae noa'tu i te 42:38.*

Eperera 16. Ua itehia te hoê teina i moe ra. *Genese 43:1 e tae noa'tu i te 45:24.*

Eperera 23. Te hoê farereiraa rahi e te poupon. *Genese 45: 25; 50:26.*

Eperera 30. Hi'opoaraa.

PUPU PITI

Irava tamau aau: *1 Nephi 11:25*

E ua ite au e, te anri ta to'u metua i ite ra, o te parau ia a te Atua tei tae atu i te pihaa o te pape ora, oia hoi, i te raau o te ora: e teie nei mau pape, o te faaauraa ia o te aroha o te Atua: e ua ite hoi au e, te raau o te ora, o te faaauraa ia o te aroha o te Atua.

Haapiiraa

Eperera 2. Te moemoea a Lehi. *I Nephi p. 8.*

Eperera 9. Te auraa o ta Lehi moemoea. *I Nephi p. 11, 14.*

Eperera 16. Te mau peapea o Nephi ma. *I Nephi p. 16, 17.*

Eperera 23. Te faaueraa ia Nephi ia hamani i te mau pahi.
I Nephi p. 17, 18.

Eperera 30. Hi'opoaraa.

PUPU TORU e te MAHA

Irava tamau aau: *Helamana 12: 3*

- E te ite atoa nei tatou e, ia ore te Fatu ia tairi i to'na ra feia ma te mau pohe e rave rahi: ia ore oia ia haapohe ia ratou e ia haamāta'u ia ratou i te o'e e i te mau huru ati atoa ra, aore atoa ratou e haamana'o ia'na.

Haapiiraa

Eperera 2. Ua tairi-faahou-hia e te Atua. *Helamana p.11.*

Eperera 9. Te mau hapa a te taata nei. *Helamana p.12.*

Eperera 16. Te a'ora a te hoê peropheta atī
Lamana. *Helamana p.13.*

Eperera 23. Te tapao o to Iesu fanauraa. *Helamana p.14.*

Eperera 30. Hi'opoaraa.

HAAPIIRAA PARAIMERE

No te Ava'e EPERERA

Irava tamau aau: *Maseli 28: 13*

O tei tapo'i i ta'na hara, e ore ia e maitai; o tei fa'i ra e ua faarue, e a-rohahia ia.

NA NA TUAHINE HAHAEERE

(e tuatiraa no te apī 38)

ri, te mau inoino, e te mana'o ino. Te tatararaa o taua mau fifi ra, e itehia ia i roto i te mau haapiiraa a te Fatu. Mai te mea e e faatere maite te mau taata ia ratou iho na nia i te e'a mau ta Iesu i faaite, ua tia ia ia ratou ia faariro i to ratou oraraa ei mea faufaa rahi roa; e, e ora hoi ia ratou ma te aau tapitapi ore i te haerea parau-tia.

E no reira, e na Tuahine Hahaere e, a aroha'tui to orua taata tupu e a aratai ia ratou i te mau haapiiraa ia apitihia ratou i ta'na mau haamaitai.

Atua,
rotopu
Na ro
haere
ora i t
faaroc
rave n
pheta

Ait
mau a
faaroc
tei ma
oto ne
e faaa
to i te
to i te
tarah

Eit
mau i
mau o
huru
ra e i
itera
huru
No re
pii-on

Eit
ia'na
To'na
rave
na'o,
papa
raa ra

TE MAU API NO TE RAAU ORA

TE API MATAMUA

(e tuatiraa no te apī 34)

Atua, Eī maramarama, ua maramarama ihora, e Eī reva i rotopu i te pape e vehe i te pape e te moana; e oia mau atura.

Na roto i taua faaroo nei ua haamanino Iesu i te mata'i e ua haere noa'tura na nia i te mau are rahi o te moana, ua faa-ora i tei ma'ihia e ua faatia hoi i tei pohe. Na roto hoi i taua faaroo nei ua opani Elia i te ra'ia ore te ua ia topa. E e rave rahi atu â te mau ohipa maere i ravehia e te mau peropheta e te mau aposetolo na roto i taua huru faaroo nei.

Aita'tu â e ravea e noaa mai ai ia tatou te ite no te ohipa mau a te Atua, maori râ na roto ia i te faaroo. E tupu teie faaroo nei na roto i te faaroora i te parau ite i parauhia e tei maiti-mau-hia ei auvaha no te Atua i teie nei ao. Te taoto nei te faaroo i roto i te aaui o te rahiraa o te mau taata e e faaarahia te reira na roto ana'e i te aratairaa Atua. Na roto i te mana o te faaroo e titau ai te taata i te Atua, e na roto i te maramarama o te faaroo e ite ai oia i te e'a i te tatarahapa e te haapao-maitai.

Eita roa te Atua e itea e te taata na roto ana'e i ta'na iho mau imiraa. E tia ia'na ia hi'opoa e ia feruri i nia iho i te mau ohipa maere ta te Atua i hamani, e ia haapii noa i te huru mau o te reira mau mea; e na roto hoi i taua raverara e ite ai oia e, te vai nei te Atua. Noa'tu râ te rahiraa o te iteraa taata e te hohonuraa o te mau imiraa taata, eita taua huru ohipa ra e riro ei faaite-papu-raa i te huru o te Atua. No reira, e tia ia ia horoahia te ite no te Atua i te taata haapii-ore-hia, tei ia'na râ te faaroo mau.

Eita te faaroo tia i te Atua e tupu i te taata, maori râ tei ia'na te tabi ite No'na ra. No reira te Atua i heheu mai ai i To'na ra huru i te vetahi mau taata, i tera tau e i tera tau. E rave rahi te mau peropheta o tei ite i te Atua, e To'na ra mana'o, na roto i te heheuraa, e ua tia hoi ia ia na reirahia. Ua papaihia te tahi pae o taua mau faaiteraa ra e tana mau heheuraa ra i roto i te Bibilia, e ua fariihia te reira e tatou. Ua farii-

hia hoi, e te tahi mau peropheta i teie tau hopea nei, te hoê mau heheuraa no te Atua, no To'na ra huru e To'na ra mau mana'o no to te ao nei. Ua itea teie mau heheuraa i roto i te mau papairaa mo'a a te Ekalesia Moromona.

Na roto i taua mau heheuraa ra ua ite tatou e, o te Atua, te Metua oia o to te ao nei. Ia tanuhia te huero o te taporo e tupu ia ei tumu taporo ihoa, e aita'tu â e huru ê. Hoê â te hohoa o te tumu taporo apî i to te tumu taporo metua. No reira, eaha ia te mea maere ia riro te tamaiti fanau mai to'na ra metua te huru i to'na ra hohoa? Ua faaauhia e ua faatia-roa-hia atoa hoi taua mana'o ra na roto i te faaite-papu-raa Atua, *Hamani ihora hoi te Atua i te taata ma to'na ihora huru, i hamani oia ia'na i te hoho'a o te Atua; i hamani oia ia raua, o te tane e te vahine*. E taata mau â hoi to tatou Metua i te ra'i ra; e e Varua atoa Oia; area râ, tei roto te varua i te tino hanahana.

No te mea e tino to te Atua, eita ia e tia ia vai tino noa oia i te mau vahi atoa i te taima hoê. Area râ, na roto i te Varua Mo'a o te haere no ô mai i To'na ra aro e o tei roto i te mau mea atoa, e hi'o, e ite, e e haapao ai Oia i te mau mea atoa. Noa'tu To'na mana i nia iho i te mau mea Ta'na i hamani, ua au roa Ta'na raveraa mai te au i te ture, e, a horoa'tu ai Oia i te mau ture i Ta'na i hamani, ua auraro-atoa-hia te ture e Ana. Aita Oia i haapao ino i te mau parau mure ore no te parau mau, te aroha, e te parau-tia. Hoê â te mau ture natura e te mau ture a te Atua, e ua au maitai Oia i te haapaoraa i te reira taatoa.

Papaithia e C. W. Penrose, te hoê Apostolo

*Faaauhia e' reo Tahiti e K. R. Stevens
Peresideni Misioni*

Te rahi noa nei â te mau taata o tei hoo mai i te Heheuraa Apî ma te parau mauruuru no te mau parau apî e te mau parau mau i roto ra. Te ere noa nei â ra te tahi mau melo o te Ekalesia i taua ve'a ra. Ua au ratou i te raatira pahi ma te aveia ore.

I rot
Peretite
no te El
Tabiti i
ranata t
mai te p
ta ra. T
E nenei
raa Apî

Na C
TARONA
buare i
raua oin
o HENE
orometu

Te h
rahi i te
ve'a, te
te titau
jibouti
horoa'tu

Pani
noa nei
mau fei
o Azan
ra o Ne

Fara
te Hau
i re rei
moni ra

Bar
aihuara
te peap
atoa ne
hiti e ha

E ol
puaator
ra. Ua
hoê ah
tara e t
faaiteh
te fifi,
mau mi

TE MAU PARAU API

I roto i te ava'e Tenuare i mairi a'enei ua fariihia te hoê rata, e te Peretiteni Misioni, o tei faaite mai e, te opua nei te Peretiteniraa Matamua no te Ekalesia i te tono mai i te hoê taata toroa no te Ekalesia i te Misioni i Tahiti i roto i te ava'e Eperera. Na to tatou Peretiteni, na Hebera J. Garanata te reira rata i papai. E i roto i te ava'e Febuare i pau a'enei na tae mai te parau api o tei faaite mai e, o Rufa K. HARDY ia te i'oa o taua taata ra. Te hoê Peretiteni oia o na Peretiteni toohitu o te Pūpū Hitu Ahuru. E neneihia to'na hoho'a e te tahi atu â parau faaite no'na i roto i te Heheuraa Api no te ava'e i mua nei.

Na Orometua api: O Dean Haslem (TEINA) e o Yale Peterson (PETARONA) ia te i'oa o na orometua api tei tae mai i Papeete nei i te 17 no Febuare i mairia'enei. No te tufaa fenua Idaho mai raua toopiti, e hoê â to raua oire i to te tahi na orometua o tei tae mai a'enei i teie paeau, oia hoi, o HENERE e o LEVI. Na roto i to raua taeraa mai ua tae te rahiraa o te mau orometua, i teie mau fenua moana nei, i te 22.

Te huru no Europa: I teie nei mau mahana te vai noa nei te peapea rahi i te fenua Europa. Mai te au i te mau parau tei faaitehia i roto i te mau ve'a, te tia nei te Italia ia upootia roa o Franco i nia i te Hau Paniora no te titau etaeta'tu ia Farani ia horoahia'tu no'na te fenua ra o Tunisia, Djibouti e te motu ra o Corsica. Ua faaite a'enei o Farani e, eita roa oia e horoa'tu i te hoê vahi iti a'e no to'na fenua.

Paniora: I roto i te mau parau api hopea te faaitehia nei e, te manuia noa nei o Franco i roto i to'na tama'iraa i te Hau e ua huru amaha hoi te mau feia faatere no te Hau Paniora, oia hoi, te hinaaro nei te Peretiteni ra o Azana ia faahaubhia te tama'i, area ra, te hinaaro nei te taata faatere Hau ra o Negrin ia tama'i e tae noa'tu i te hopea.

Farani: No te rahi o te mau roo tama'i e te mau peapea te faarahi nei te Hau Farani i ta'na mau mauhaa tama'i atoa, e ei ravea no te faaoiiraa i re reira ua hoo mai te hau Farani, i Marite, e 600 pahi reva tama'i, no te moni ra e 60,000,000 tara, moni Marite.

Baretane: No te titauraa o Hitler ia faaho'i o Baretane i te mau fenua aihuaraa Purutia ta'na i haru i muri a'e i te tama'i rahi i oti a'enei, e no te peapea e tupu nei i rotopu ia Farani e o Italia, te faaineine e te faarahi atoa nei te hau Baretane i ta'na mau mauhaa tama'i, e no teie ana'e matahiti e haamau'a ratou e 723,000,000 paunu moni Baretane no taua ohipa ra.

E ohipa faahiahia mau: Ua itehia te ravea no te faariroraa i te û puaatoro ei aahu te au to'na huru e to'na paari i te aahu huruhuru mamoe ra. Ua faaite te mau feia feruriraa hohonu e, e tia ia hamani faaoti roa te hoê ahu tane, mai te pereue, te piripou, e te uekete, no te moni ra e pae tara e te afa, moni Marite, oia hoi te moni no na tarani û e pae. Aita ra i faaitehia te moni e pau no te mau machine no te hamaniraa i te reira. Teie te fifi, eaha te paruru i te reira huru piripou ia ore te reira ia amuhia e te mau mimi e te mau tamarii hoi.

Ua pohe roa o "Pie XI" te Pope rahi no te Ekalesia Katorika i roto i te ava'e Febuare i mairi a'enei, i te 81 no to'na matahiti. E mea huru maro to'na vai-rii-noa-raa i roto i te ma'i. Ua rave noa ra oia i ta'na ohipa e' tae noa'tu i te hopea. I to'na maitiraahia ei Pope ua rave oia i te i'oa o "Pie" i nia ia'na iho no te mea e, ua hinaaro oia i te faatere i to'na mau taata ma te hau, e ua imi noa oia i te mau ravea ia vai noa te hau e te pea-pea ore i roto i te Ekalesia Katorika. Ua parauhia oia e, ei Pope orometua, no te mau ohipa orometua ta'na i faatupu i roto i to'na tau.

Hou to'na tanuraahia ua mataitai e hoê milioni taata e te afa i to'na tino. Tanuhia ihora oia i raro a'e i te tahua o te fare pureraa rahi ra o "St. Petero" i te oire ra i Roma, Italia, i te vahi i faataahia e ana iho hou to'na poheraa. E 1000 paunu te teiaha o to'na afata tanuraa. Tei ropu to'na menema i na menema o na Pope tahito e piti. I te taima no to teie nei ve'a neneiraahia, aita â te pope apî i maitihia.

Aueue fenua: Ua tupu te hoê aueue fenua rahi e te ri'ari'a i te fenua Chili (i Amerika apatoa) i te mau mahana hopea no te ava'e Tenuare i mairi a'enei. Ua mana'ohia e te mau taata no te hau e, ua pohe roa e 25,000 taata i roto i taua ati ra e ua pepe atoa te tahi na tauatini taata. Ua haamou-roa-hia na oire rahi e pae i reira. Te pae rahi o te mau taata tei pohe ra, ua topahia ia e te mau fare. Ua aueuehia e 18,750 maile tuea o te fenua i roto i taua aueue fenua ra.

Te mau pahi reva: Te hamani-noa-hia nei â te mau pahi reva tei hau atu i te rahi e te puai. I roto i te ava'e Febuare i mairi a'enei ua tere te hoê taata i roto i te hoê pahi reva apî no te hau Marite e 400 maile i te hora hoê, oia hoi, ua tere taua pahi reva ra e ono maile e te afa i te minute hoê. Ua hamani-atoa-hia te tahi pahi reva faauta horo patete rahi roa. Ua tia i taua pahi reva i te hopoi e 86 taata. E maha to'na machine, e e tere oia i ropu i na fenua ra, o Amerika e Europa.

Ua haamatahia te Exposition Internationale i te oire ra i San Francisco i te 18 no Febuare i mairi a'e nei, e i roto i na mahana matamua e piti, ua haere na tauatini taata e 250 i roto i te aua no te Exposition ra no te mataitairaa i te mau ohipa nehenehe e te maere i reira.

Te hoo o teie nei ve'a:

E pae farane i te matahiti hoê;

E hoê ahuru farane no na matahiti e toru.

Neneihia i roto i te Piha Neneiraa a te Ekalesia a Iesu Mesia

I Te Feia Mo'a Te Mau Mahana Hopea Nei.

Papeete, Tahiti.

Marcel Bonnet Gérant

Kenneth R. Stevens, Imprimeur.

Rue Dumont d'Urville, Orovini, Papeete, Tahiti.